

Abb. 44.



Don der ...
der ...
der ...

der ...
der ...

der ...





Double
2.
Christliche verma-
nung des Ehrwür-
digen Herrn Doctor Johann
Bugenbagen Pomerani/
Pastors der Kirch-
en zu Witte-
berg/

An die löbliche Na-
chbarschafft / Behemen /
Glesier vnd Lu-
satier.

Witteberg

Gedruckt durch Hans Lufft.

1546.

666 44 (2)

Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.

Mbb. 44 (2)



39

Christliche verma-
nung des Ehrwürdigen Herrn
Doctor Johann Bugenhagen
Pomerani/Pastors der
Kirchen zu Mit-
teberg/

An die löbliche Na-
chbarschafft/ Behemen/ Sles-
ier vnd Lusatier.



Gottes gnad durch sei-
nen eingebornen Son Ihes-
sum Christum vnsern Heis-
land zuvor. Gnedige vnd
günstige Herrn vnd gute
freund. Nach dem ich vernom-
men / das vnsern lieben Nachbarn/ Herrn
vnd Stedten im Königreich Behem / in
Slesien vnd Lusatien vffgebotten wird /
A ij vnd

vnd dasselbige nicht anders zuuerstehen/
denn das man vor hat/ vnseren armen Kir-
chen zu vberfallen vnd zu verwüsten/ Pries-
ster vnd andere vnschuldige Leut zu ermor-
den/ vnd vnzeliche sünd vnd schand / vnd
ewige verderbung der Kirchen in diesen
vnd andern Landen anzurichten / ist mir
solcher jamer / als dieser Kirchen vnd
Schul / Pastorn vnd eltesten Predigern/
wie billich ist / seer vnd tiess zu hertzen gan-
gen .

Vnd habe diese meine betrübnis erst-
lich Gott furgetragen/ Der aller hertzen kent
vnd weis/ das wir trewer einfaltiger mei-
nung seine warheit vnd rechte Lere ges-
ucht / vnd andern mitgeteilet haben / vnd
haben nicht hiemit nach gewalt / gütern
oder wollust getracht / Vnd bitte Gott teg-
lich / das er diese arme Kirchen gnediglich
erhalten / regirn vnd schutzen wolle / Wie
David schreiet im lxxix. Psalmen / Gedencck
nicht vnser vorigen missethat / Erbarm dich
vnser bald/ denn wir sind seer schwach wordē/
Hilff du vns Gott vnser helffer / vmb deines
Namens ehre willen/ Errette vns vnd vergib
vns

uns unser sünd vmb deines Namens will-
len etc. Ich hab auch nicht zweifel / es sind
viel gottfurchtiger Menschen / die mit uns
also von hertzen beten / nicht allein in dieser
land Kirchen / sondern auch bey den Nach-
barn vnd in frembden Landen.

Vnd wie mich mein ampt zum Gebet/
zu Gott treibet / Also erinnert es mich auch /
das ich an alle Christen / vnd besonder an
die Nachbarn / die mit vnsern Kirchen Gott
eintrechtiglich anruffen / Christliche verma-
nung thue / das sie ire Seelen vnd hende ni-
cht mit vnserm blut besprengen / vñ nicht zu
diesem Krieg helffen wollen / darin furnem-
lich dieser vnser Kirchen vnd rechter Lere
vertilgung gemeinet ist vnd gesucht wird /
Wie dieses öffentlich ist / man streiche eine
farbe daruber wie man wolle.

So viel dieses Kriegs vrsachen gegen
den Nachbarn belanget / ist ja öffent-
lich / das diese Herrschafft auch vnser
arme Kirchen / den Nachbarn / nicht ar-
ges gethan haben / Behem ist durch vnser
A iij Lere

Lere geehret vnd gepreiset / vnd ist also gan-
gen / wie der heilige Man Johannes Huss
geweissaget hat / Nach hundert Jaren wer-
de offenbar werden / das seine Lere recht
vnd warhafftig gewesen sey / welche zal zus-
getroffen mit der jezigen offenbarung Christ-
licher Lere.

DJeweil denn der heilige Geist in Jo-
han Hussen selb zeugnis gegeben / dieser
künstigen Predigt / vnd wir die lesterung
wider Behem ausgelescht / ist ja billich vnd
Christlich / das sie dagegen vnserer Kir-
chen auch schonen / vnd nicht fur ire Feinde
wider vns streiten.

Über das sind der Nachbar Kirchen
in Slesien / Lusatien / vnd sonst vmbher /
der grösser teil in eintrechtiger Lere mit
vns / vnd dienet vnser Kirche vnd Schul-
ren Kirchen also trewlich / das sie durch
Gottes gnad Prediger / vnd sonst viel geler-
ter furnemer Leute haben in allen löblichen
Künsten / in Theologia / Jure / arte Medi-
ca / Philosophia / Mathematica / in Spra-
chen

chen / Dazu wir in zum teil auch gedienet ha-
ben vnd noch dienen. So sind viel Leute in
diesen Nachbarschaften / die mit Heiraten
vnd Sipschaften mit einander verwant.
Auch ist grosse gemeinschaft mit Kauffen
vnd verkauffen zwischen diesen Nachbarn.
Dieses alles sollen Band sein des friedens
vnd freundlichen willens zwischen inen /
Wie auch wir ein recht freundlich / Christ-
lich gemüt gegen vnsern Nachbarn haben /
vnd können ganz nicht gedencen / war-
umb jemand bey inen ein zorn oder grim-
me wider vns haben möchte.

Etlich reden vom Kloster Dobreloh /
dauon weis ich wenig bericht / achte aber /
dieselbig sach sey so hoch nicht zu achten /
das man darumb gantzer Lender verwü-
stung suchen / Priester / Weiber / Jungfrawen
en / Kinder ermorden solt. Auch weis man
wol / das Dobreloh nicht die Metz ist / dar-
umb man tanzet / So sind handlungen der
halben gewesen / das diese sach auff gute
wege leicht zu richten gewesen vnd noch ist /
darumb izund vnruig derhalben anzurich-
ten vnndötig ist.

Dieweil

D Jeweil denn dieses öffentlich ist / das
diese Landschafften nicht arges wider die
Nachbarn gethan / vnd der grösser teil der
Kirchen bey jnen vnd vns in rechter Christ
licher lere eintrechtig sind / Vnd haben in vie
len sachen einander freundliche dienst er
zeigt / So vermane ich alle Christliche
Nachbarn / das sie nicht zu vnrechtem blut
vergiessen hülff thuen / vnd nicht sich selv zu
Mörder an vns machen / wider Gottes ge
bot / Du solt nicht tödten / Item / Genes. ix.
Wer Menschen blut vergeusst / des blut sol
auch vergossen werden. Item Johan. iij. Kein
Todschleger hat das ewig Leben.

Diese Göttliche ernste gebot vnd war
hafftige bedrawungen / wollen alle Christ
liche Nachbarn bey sich betrachten / daraus
bestendiglich zu schliessen / das sie zu diesem
vnrechten Krieg wider die Nachbarn nicht
helffen wollen / vnd wollen dabey ein Christ
lich nachbarlich mitleiden mit vnser Kirch
en haben / die dennoch vielen mit der Lere
zur seligkeit gedienet hat / vnd noch teglich
dienet / deren doch etlich danckbar sein wer
den.

Den

Denn vndanckbarkeit in diesem fall/
derhalben deste strefflicher / das sie nicht al-
lein vnser person belanget / die wir warlich
mit vielen Leuten grosse arbeit haben / wie
meniglich weis / Sondern betrifft Gottes
ehre / Denn die verfolgung ist furgenommen/
rechte Vere zu vertilgen / dazu helffen die
vndanckbaren. Ach bedenckt doch / woher
kumpt dieser sinn vnd wille / das du deine
Mutterkirch wilt ermorden helffen?

Dagegen sprechen aber etliche / so die O-
berkeit vffgeben / so mus man ja fol-
gen? Antwort / Ionathas folget ni-
cht / wenn sein Vater vnd König wider den
David zoge / Abdias folget auch nicht / da
die Jesabel die Propheten tödten lies / Son-
dern er schützet vnd speiset die Propheten
heimlich wider der Königin gebot. Aber
der bluthund Doeg folget Saul / da man
die heiligen Priester tödtet.

NW schliesse bey dir selb / ob du wilt Jo-
nathas oder Doeg sein / Denn gehorsam
hat diese mas / Man sol Gott mehr gehor-
sam sein / denn den Menschen. Du solt keinen
vnschuldigen tödten / deiner Oberkeit zu ges-
fallen

fallen / wie Ionathas den David nicht
wolt helffen verfolgen / vmb seins Vaters
vnd Königs willen.

WENN dir dein König geböte deinen
Pfarherrn / des Lere vnd leben du vnstreff-
lich wissest / zu todten / sag an / woltestu im
auch gehorsam sein? Also ist dieser gegen-
wertig fall.

Vorzeiten da Diocletianus vnd andere
die Christenheit verfolgten / vnd man offft
viel Christlicher Personen auff den platz für-
ret / da sie von Lewen solten zerrissen wer-
den / ist dieses wunderwerck seer gemein ge-
wesen / das die Lewen der Christen gantz
verschonet / giengen für sie vber / wie be-
kante Hündlin. Damit Gott anzeiget / das
die verfolger grausamer sind / denn die wil-
den thier. Vnd ist war / Denn verfolgung
kömpt aus des Teufels grim vnd hass / der
ist viel grausamer denn Lewen oder Par-
den.

WEiter sprechen etliche / Man sol ja dem
Keiser hülfte thun? Antwort / Du
hast izund gehört / haben doch die
Lewen vnd Par den dem Diocletiano nicht
zu vns

zu vnrechter verfolgung helfen wöllen / wa
rumb wiltu zu vnrechtem Mord vnd zu zer
störung so vieler Kirchen hülff thun? Der
Keiser hat diesen Krieg erregt / vnd die
Chur vnd Fürsten vnd ire verwanten zu
rechtem nötigem schutz gedrungen / vnd
braucht dazu eine Sophistrey / er meine ni
cht die Religion / Dabey er aber sich nicht
vernemen leßt / ob er dieser Kirchen Religi
on leiden wölle oder nicht / oder wie er ein
Religion zu machen gedencke.

DEnn so er nicht dieser Religion feind
were / so solt er billich sein gemüt eröffnen.
Vnd das darauff gesagt wird / Er wird
sich noch wol erkleren / wenn nu das Conci
lium zu Trident procedirt. Eben diese erkle
rung zeigt an / welche Religion der Keiser
vnd andere / die seinen Krieg billichen / gern
haben wöllen / Nemlich / das misbrauch der
Messen vnd Heiligen dienst / vnd andere
mehr die furnemesten irthumb vnd Abgöt
tereien bestettiget würden / möchtē vielleicht
mit etlichen stücken ein geflickte Dispensatio
machen.

B ij JA

Item sprechen sie / dieses ist die meinung /
Denn jr greiffet auch zu weit. Ist dieses der
grund / darumb der Krieg furgenomen vnd
gebillichet wird / So solt der Keiser / als ein
hohe Potestat / die Klar handlen sol / sich er-
öffnet haben / vnd nicht diese Herrn also
mörtlich vberfallen / das sie vnd andere ni-
cht wissen / gründliche vrsach dieses friegs /
Item / er solt nicht furnemen vnserre Kirch-
en ganz zu zerstören.

ES sey nu wie jm ist / die Religio sey
ganz oder halb gemeint / so ist doch des
Keisers furnemen / ein verborgene vnorden-
liche handlung / Das die Chur vnd Für-
sten zur gegenwehr rechte vrsach gehabt /
vnd suchet gewislich der Keiser etlicher rech-
ter sachen vntertruckung / die der Christen-
heit zu wissen nötig ist / vnd spielet also vnter
dem hütlin. Darumb sich andere Leute / bes-
sondern denen nicht arges von vns begege-
net / seiner sünden nicht sollen teilhafftig ma-
chen / Gott wird auch die listige handlung-
gen selb richten. Vnd das durch diesen tuck /
der Keiser Deudschland zu solcher einigkeit
nicht bringen werde / wie er gedencet / das
wird man bald ernach sehen. Man sagt /
Die:

Die Füchs fressen gern Mandeln / aber von
den bittern Mandeln sterben sie .

Der streittigen Religion sachen sind viel
so gros vnd wichtig / das ganzer Christen-
heit zu helffen / vnd darumb in grosser Got-
tes furcht vnd demut / ein vngefangne
freundliche / Christliche vnterredung da-
von zu halten nötig were. Darauff het der
Keiser gedenccken sollen / nicht solche grosse
sachen zu vermumlen / vnd in sack zu stof-
fen / Gott wird seine warheit nicht also dem-
pffen lassen / wie die Weisen meinen.

Ich wil auch weiter nicht dauon disput-
iren / sondern das nemen / das öffent-
lich ist / Man sucht im grund zerstö-
rung vnser Kirchen / vnd todschlag vnserer
armen Priester / vnd anderer Christlichen
Personen / Man vnd Weib / jung vnd alt.
In dieser vnser fehrigkeit will ich die
Nachbarn trewlich vnd von meines Am-
pts wegen vermanet haben / sie wollen
Gott vnd dem heiligen Euangelio zu ehy-
ren / vnser Kirchen schonen / vnd sich nicht
schuldig machen an vnserm blut / Das nicht
das vrteil vber sie kome / dauon vnser Hei-
B ij land

land Ihesus Christus gesagt Matth. xxiij.
das vber die Bluthunde / so rechte Lere ver-
folgen / alle das gerecht Blut komen werde /
das von Abel an vergossen ist etc. Dieses
gericht vnd diese straff sol man billich furch-
ten.

Vnd ob gleich andere Nation / die rech-
ter Lere verstand nicht haben / meinen / sie
müssen zu dieser grausamkeit helffen / so wi-
ssen doch die Nachbarn / das solches jnen
zu thun nicht gebürt / Die mit vns in einem
rechten Glauben / den warhafftigen Gott /
recht anruffen / vnd die mit vns in Gott /
vnd wir mit jnen eintrechtig vnd friedlich
sein sollen / wie Christus gebeten hat / Das
seine Kirchen eintrechtig seien / Vater heilige
sie / das sie in vns eins seien.

3V dem / das Blutverwanthnis vnd
andere Freundschaften da sind / Darumb
wir einander mehr zu schonen schuldig sind
denn frembde Nation. Es gehet leider also
in dieser vntrewen Welt / wie vnser Hei-
land der Son Gottes seine Kirchen ver-
warnet / da er spricht / Ein bruder wird den
andern in den tod geben / vnd ein vater seine kin-
der / vnd die kindir jren Vater etc. Welches
doch

doch grausam zu hören / das solcher grim-
miger hass in den verfolgern ist / das auch
die grosse vnaussprechliche liebe der Eltern
gegen den Kindern / die Gott in die Natur
gepflanzt hat / durch den Teufel ausgerot-
tet wird. Ob aber gleich viel Epicurei oder
Hypocriten sind / die nach vnserm blut dür-
sten / so sollen doch frome Christliche hertz-
en / jren glaubē hierin erzeigen / vnd sich von
denselbigen bluthunden nicht zu vnrechtem
blutuergiessen treiben lassen. Sind doch die
Egyptische Weiber so groszüchtig gewesen /
da Pharao gebot / die Kinder in der geburt
zu tödten / das sie freidiglich das vnrecht ge-
bot veracht haben. Warumb wolten
itzund so viel ehrlicher Regenten / Edel vnd
andre in solchen ehrlichen Landen vnd
Stedten / nicht auch ein beständigkeit in der
gleichen tugent erzeigen?

Vnser Heiland Christus spricht / Wer
dem geringsten vnter den meinen vmb der Les-
re willen nur einen trunck Wasser gibt / dem
wird es belohnet werden. Nu kan man nicht
leugnen / vnser Kirch vnd Schul haben bes-
sondern diesen Landen vnd den Nachbarn
trewlich gedienet / vnd haben jnen arges nie
gethan!

gethan. Darumb wollen sie doch in betrachtung dieser redē vnd verheissungen Christi/ diser armen Kirchē schonen. Ist es den feinden darumb zuthun / wie es im grund ist / das wir Predicanten vnd Schuler ermordet werden / so sprechen wir wie vnser Heiland Christus / Lasset doch das arme völklin / frauen / jungfrauen / kinder zu friedē / was ist doch euch mit irem blut geholffen? Es wird auch das werck selb beweisen / das der feind straff bald folgen wird / so vns die feind vberfallen / welchen doch der allmechtige Gott Vater vnser Heilands Ihesu Christi / solches nicht gestatten wölle.

Diese meine einfeltige Christliche Kurtze vermanung / wollen alle Gottfurchtige Nachbarn Christlich verstehen / annemen / vnd der selbigen folgē / in betrachtung Göttlicher gebot / vnd der tröstlichen reden im xij. Psalmen / Beatus qui intelligit super egenum et pauperem, In die mala liberabit eum Dominus. Datum Witteberg am tag Dionysij.

1546.

ULB Halle
004 710 217



Jf 4843

TA-a


ULB Halle 3
004 714 547



h

ht.







Double

24

Christliche verma-
nung des Ehrwür-
digen Herrn Doctor Johann
Bugenbagen Pomerani/
Pastors der Kirch-
en zu Witte-
berg/

An die löbliche Na-
chbarschaft / Behemen /
Glesier vnd Lu-
satier.

Witteberg
Gedruckt durch Hans Lufft.

1546.

1644 (2)

